

房六度


卯未分豫州天蝎宮大火次

四星直下主明堂鍵閉一黃斜向上鈎鈴兩箇近其傍罰有三星直鍵上兩咸夾罰似房狀房西一星號爲日從星兩箇房下出

按天原發微云四星爲明堂天子布政之宮中間爲天衢七曜由其中則天下和平亦爲天駟天馬主車駕國語曰農祥晨日月底于天廟土乃昧發隋志曰五緯入房啓姬王肇迹山堂考索云四星亦爲四輔又爲四表爲天淵黃道之所經也南間曰陽間北間

曰陰間亦曰天廐又主開閉爲畜藏又北小星爲鈎鈴房之鍵鈴天之管籥明而近房天下同心

天王會通曰房天子之後寢御群陰之處鍵閉鈎鈴其管籥也兩咸防淫泆之戶皆所以謹內外之辯也日太陽之精生于東故麗于此月生於西麗于昴日君象月女后大臣象也心天子之象蓋人者天地之心而天子者天下之主故以爲名也從官巫醫之屬主疾病禱祀之事積卒衛士卽宮人所掌六寢之修掃除糞溷之事也




心 六度卯上立春旦中宋分豫州天蠍宮大火

三星中央色最深東西太庶子帝中下有積卒共十二三三相聚心下是

按天原發微云三星天王正位也中星為明堂天子位為大辰主天子賞罰前星為太子後星為庶子大火為大辰火中寒暑乃退律書云心言萬物始有華心唐志曰易雷成乾曰大壯房巳象焉心為乾精而房升陽之駟也鈞命訣曰歲星守心年穀豐登洪範曰重華者為歲星在心歲星一名攝提一名重華左傳心為火五月火始昏見詩云三星在天山堂考索云房星大火在卯

宋豫州也



尾十九度

寅上燕分幽州人馬宮折木之次雨水旦中大暑立秋昏中

九星如鈎蒼龍形下頭五箇號龜星尾上天江西橫是尾東一箇名傳說傳說東邊一魚子尾西一室是神宮所以列在后妃中


按天原發微云尾九星上第一星后第二三星夫人次星若眾嬪妾第二旁星名曰神宮蒼龍之尾為九子色均明后宮有序多子孫之慶左傳云丙之辰龍尾律書尾言萬物死生山堂考索云九星后宮之場亦為九子色欲均明大小相承則后宮有序

天王會通曰尾主后妃御敘于王所神宮解衣之內
室傳說后宮女巫主克禋克嗣以弗無子也箕主承
糞穢又爲播揚五穀之器字書女執帚爲婦周禮春
枕皆掌于女奚尾而受之以箕可以知婦無外事矣
木杵主春而糠者穀粃也東方主風此星播揚故主
八風傳所謂箕星好風是矣舌哆又主口舌詩曰哆
兮侈兮成是南箕東方者春產萬物者也故太子謂
之東宮天子后妃之寢麗于此者嗣續無窮之意又
主太子問安視膳以孝養其親也天江者大江之精

發源岷山天河者淮河之精發源桐栢並注東南大
海也江淮河涉爲四瀆天河見卯宿下涉水絕流故
天文亦不見井宿復有四瀆者以天下所滋以爲養
也東南水之委魚鼈及龜水族也故附麗焉


箕

• 糠皮



箕十一度 寅驚蟄旦中處暑昏中燕分幽州人馬宮折木次
 四星形狀如箕箕下三星名木杵箕前一黑是糠皮

按天原發微云箕四星為后宮后妃之府亦為龍尾為敖客主口舌亦曰天津主八風凡日月宿在箕壁翼軫風起又曰天鷄又曰傳說騎箕尾北於列星晉誌曰傳說一星在尾後詩疏曰箕在南而斗在北故南箕北斗山堂考索云尾箕折木之次在寅幽燕州



右斗之於牛猶軫之於角約有三丈遠高低相望斗居天之南而牛居中天之上軫之於角軫居天之南而角居中天之上如龍蛇昂頭而行餘皆隨之也

南斗

二十四度又二十六度入丑吳分磨碣石星紀之次春風穀雨日中白露秋分昏中

六星形狀如北指魁上建星三相對天弁建上三三九下圓安十四星雖然名鼈貫索形天雞建背雙黑星天籥柄前八黃精狗國四方雞下生天淵十星鼈東邊更有兩狗斗魁前農家丈人斗下眠天淵十黃狗色玄

按天原發微云南斗六星天廟亦爲壽之期又丞相太宰主褒賞進賢稟綬爵祿又主兵南二星天梁中二星天相北二星天府建斗星盛明王道和平傳曰辰在斗柄日月會南斗又云斗女星紀在丑吳越揚州天王會通曰斗宗廟酌酒器也爵人必于廟故主薦賢良而受爵祿斗爲器量所以斟酌之也掌於司尊彝天弁天子之弁冠也掌於弁師建天子之都闕正月之吉和布法象于其上者也天籥主國家秘書藏之金櫃石室若大盟約開籥見書之類皆天府之

所職也此皆春官宗伯之事故列象於寅丑之間也



凡斗於牛井與鬼相去皆遠惟翼與角二宿皆一上一下角在上軫在下高下參差且遠故二十八宿始角終軫週而復始皆隨天縈迴在轉故卽宿可以知天之行度也

牛七度

丑磨蝎石星紀次吳越立夏旦中寒露昏中牽牛

六星近在河岸頭頭上雖然有箇角腹下從來欠一脚牛下九黑是天田田下三三九坎連牛上直建三河鼓鼓上三星號織女左旗右旗各九星河鼓兩畔左邊明更有四黃名天桴羅堰三烏牛東居漸臺四

星似口形輦道東側連五丁輦道漸臺在河澣欲得見時近織女



山堂考索云六星天之關梁主犧牲事後志七曜之起始於牽牛北北三星河鼓律書云牽牛言陽炁萬物生也博物志云太白犯牛將軍凶

天王會通曰河鼓天子之路鼓天桴所以擊鼓亦主刻漏鼓鑿之事左旗右旗天子之太常皆天子巡行之所有事者也天子之務莫重乎耕織女農丈人所耕之具驪珠女所獻之功離瑜女之服飾也天田九

星井田之象敗瓜瓠瓜疆場有瓜匏瓜乾質則堅敗瓜時過則敗故名菜類之主故占菜之豐凶狗天雞民民間常畜制其田里教之樹畜也羅堰主瀦畜九坎主溝渠天淵是其泉亦所以灌溉也十二國天下之諸侯也皆巡狩于天下之事十二月朔巡狩而一終焉夫三垣皆天子在國之事非巡行則四海之大不無壅閉之處故舜五載一巡狩周制十有二歲王乃時巡後世此禮廢矣



越 鄭 趙 齊



秦

周

魏

楚

韓

晉

燕

代

女十度

二度入子寶瓶宮玄枵之次齊分青州小滿旦中霜降昏中

四星如箕主嫁娶十二諸國在下陳先從越國向東

論東西兩周次三秦雍州南下雙鴈門代地又向西

晉伸韓魏各一皆北輪楚之一國魏西屯楚之南畔

獨燕軍燕西一郡是齊隣齊北兩邑平原君欲知鄭


在越存十六黃星細區分五箇璃珠女上星敗瓜珠

上瓠瓜生兩箇各五敗瓠瓜天津九箇彈弓形兩星

入牛河中橫四箇奚仲天津上七箇仲側扶相星

凡天子出遊之地至等于兵災仰觀乾象所謹在道

路津梁所嚴在旗鼓車御所重在人民溝洫樹畜代
天子民天下其家也不當若是也善乎漢章帝之詔
曰車駕行視秋稼觀收穫皆精騎輕行無他輜重不
得輒遠離城廓遣吏逢迎刺探起居出入前後以爲
煩擾動務節省但患不得晚粟瓢飲耳可謂暗合天
道者矣狗國朝鮮獫狁之屬也四夷雖人類而其性
之異於禽獸者幾希以其得天地之偏氣也觀上天
星象若虛之下天壘城主北狄軫之下東甌青丘子
主閩蠻畢下九州殊口爲傳譯之官皆在天之涯聖
人謹華夷之辨有以也夫又按天子守在四夷德之
下衰乃有戎狄之患且內有郎位兵衛外有梗河招
搖長垣天象設險深切著明如此何外患之敢干哉
若自我致戎棄社稷而逃遂爲後世不死守之流禍
彼愚儒反或是之悲夫



虛九度

子立冬至昏中齊分青州寶瓶宮玄枵次


上下各一如連珠命祿危非虛上星虛危之下哭泣
 星哭泣雙雙下囂城天囂團團十三星敗曰四星城
 下橫曰西兩三琉璃明

天原發微云主北方邑居廟堂祀禱事又主哭泣又
 冢宰之間晝霄中星虛

山堂考索云二星主宰之臣也虛危玄枵在子齊青
 州

天王會通曰天之道南為陽明北為幽陰人之事嘉

禮屬陽凶喪屬陰故坐必南向寢必東首葬則於北方北首皆天理合如此故北方玄武為虛危皆主死喪危禍等事命司年壽祿司官祿危司驕佚非司過失謹慎則享祿壽危非則罹凶天也哭泣主倚廬哭泣之事敗曰主敗亡災咎曰咎聲同通用也



危十六度

又十三度入亥衛分并州瓠訾之次
小雪昏中芒種旦中雙魚宮


三星不直舊先如危上五黑號人星人畔三四杵曰
形人上七鳥號車府上天鈞九黃精鈞下五鷓字
造父危下四星號墳墓墓下四星斜虛梁十箇天錢
梁下黃墓旁兩星能蓋屋身着黑衣危下宿

天原發微云三星主天府天市架屋爲玄枵耗神也
虛亦耗神

天王會通曰墳墓大夫所掌公墓之地園陵寢廟也
人萬物之精也正北方子位于先天卦氣爲復貞下

起元天道之所開人之事雖生於寅而實胎于子故
懸象于此繼天而生也周禮獻民數而祭天之司民
蓋卽此星註疏以爲軒轅角非也天錢主錢帛十星
規圓主九府循環流通以權百貨之象神北陽方故
至利洪範八政曰食貨祀司空司徒司寇賓師天象
八穀爪柳主食天市軍市天錢主貨鬼主祭祀營室
翼軫司空之事七公司徒之官凡刑皆司寇凡兵將
卽師謁者傳舍主賓客聖經與天道相合類如此天
壘主丁零匈奴諸夷正北方之地也

圖中不見天鈞



營室


十七度亥上夏至旦中大雪昏中訾阝之次在衛并州

兩星上有離宮出遶室三雙有六星下頭六箇雷電
 刑壘壁陣次十二星十二兩頭大如井陣下分布羽
 林軍四十五卒三爲群軍西四星多難論子細歷歷
 看區分三粒黃金名鉄鉞一顆珠珍北落門門東八
 魁九箇子門西一宿天網是電旁兩黑土公吏騰蛇
 室上二十二

天原發微云營室二星天子之宮又有軍儲之府及
 土公事星明國昌一曰玄宮二曰清廟室謂之文定

太平定正也主土公事詩云定之方中

天王會通曰室十月而農工已畢此星昏而正中故
主營建宮室定之方中作于楚宮是矣離宮三雙天
子之別館也百工之事惟土木爲大司空冬官主度
地居民相景之職又主營建宮室工師之事土公吏
其屬土公執役之民杵臼冬月治五穀之所有事也
壘壁陣天子四時之田以講武事者而於冬則備軍
禮以大閱故係於此羽林鄉遂之兵較閱而不調用
北落門卽大司馬仲冬教大閱所謂以旌爲左右和
門以敘和出軍令貴一師克在和也鐵鉞者軍中之
所有事也八魁主設機穽張網羅卽射人所掌服氏
氏羅氏掌畜等官也雷電霹靂雲雨所以發生萬物
者也乖和皆于此候之王者之師如雷之動如電之
明如霹靂之威如雲雨之澤其鼓舞群動神武如之
也天綱正北方與南北相應氣機之所幹旋也故名
曰作天綱與八魁同占非也天海海之精也



東壁

九度亥上小暑日中冬至昏中衛分并州雙魚宮既訾次

兩星下頭是霹靂霹靂五星橫看行雲雨次之口四方壁上天廡十圓黃鐵鑽五星羽林傍土公兩星壁下藏

按天原發微云壁二星主文章天下圖書之秘府也詩疏云壁者室之外院箕在南則壁在室東故稱東壁星明王者昌道術明國多君子歲星守之五穀登天王會通曰壁天下圖書之秘府自室至婁天子之公館苑囿在焉所以待賓客講武遊觀之所皆不可溺者也有壁在焉所以崇文德天象不既昭昭矣乎凡欲觀星辨左右上下及東西南北每當以天之南為正如軫宿初東方來橫轉則天之南則卓立矣故居左者而南在右自東居下者而南在上矣轉

運故也



軍南門



司空

奎

脩德堂

奎

十六度半二度入戌徐魯分白羊宮降婁之次大暑旦中小暑昏中

腰細頭尖似破鞋一十六星遶鞋生外屏七星奎下

橫屏下七宿天濶明司空左畔土之精奎上一星軍

南門河中一箇閣道形附路一星道傍明五箇吐花

王良星良星近上一策明


按天原發微云十六星天之武庫曰天豕亦曰封豕

主兵禁暴又主溝瀆月令仲春星奎季夏奎旦中

天王會通曰奎天子之武庫軍南門也天大將軍大

司馬之官本兵之職外小柱為庾士左右為旗也古

者兵農不分六卿皆將後世兵益重而始專其職大將軍即大司壘壁陣令之團營參有左右前後中五領於司馬者也閣道天子遊幸別宮之道故從紫微宮絕漢抵營室附路閣道之便路王良造父皆御官王良前四星為天駟舊以房星為天駟非其類矣策王良所執以御也車府天子五輅所藏掌巾車天廡所以養馬掌於技人者也天津四瀆津梁輦道天子馳道所以渡神通四方主巡行天下水陸之道也奚仲主軍征大御之官也至尊行幸道路舟車猶加謹嚴故天道詳焉騰蛇北方水蛇也



婁十一度戌立秋旦中大寒昏中魯分徐州白
羊宮降婁之次

三星不勻近一頭右更左更烏夾婁天倉六箇婁下
頭天瘦三星倉東脚婁上十一將軍侯

按天原發微云三星為天獄主苑牧犧牲

山堂考索云三星主犧牲苑囿郊祀大享多子孫明
則天下和平唐志曰會在婁為大臣憂

天王會通曰主苑囿犧牲以給郊祀周官之牧人左
更藪澤之虞官右更牧地之牧師天陵至山林丘陵

虞人之所有事又盜賊所依死亡所瘞也故兵役于

此占之積尸陵中之尸也星名為凶隱暗為吉五嶽

五方之鎮風氣之所限隔也水澤之所發源也其神

視四瀆為尊而不見於天者蓋山靜而無為水動物

也修舉則利溥廢墜則害博故聖王經水之政為多

猶醫之治血而不治骨也宜呈象之獨略歟天溷參

豕之所外屏所以蔽臭穢天苑主養鳥獸天園主毓


草木周官之所囿遊鑊鎖主芟芻剉橐以飼牛馬芻

藁營聚芻之所皆委人之職萬物成於秋故於此為

備也

講武全書 卷之一 七 備德堂

三胃鼎足



胃 又十四度入酉趙分冀州金斗宮太梁之次


三星鼎足河之次。天廩胃東斜四星天囷十三如乙形。河中八星名太陵。陵北九箇天船名。陵中積尸一箇星。積水舡中一黑星。

按天原發微云三星為天廚天倉五穀之府動則輸運之事明則天下和平季春日在胃

山堂考索云三星天之廚藏主倉廩五穀之府也

天王會通曰胃天之儲藏五穀之府所謂會計邦用者也天廩天子之御廩以給粢盛也天囷田中貯所

納之總也天倉掌粟入之藏以待邦用周官之倉也
 天庾貯於民間小倉所謂曾孫之庾如坻如京也時
 至於秋則黍稷重穆禾麻菽麥靡不畢登者矣



昴十一度西處暑且中立春昏中趙分冀州金
 牛宮大梁次

七星一聚實不少河西月東各一星河下五黃天陰

精陰下六箇芻藁營營南十六天苑形河裏六星名

卷舌舌中黑點名天說礪石舌旁斜四丁

天原發微云昴天之耳也主西方獄事又為毛頭胡

星明則天下牢獄平書曰短星昴畢間為天街王道


之所

天王會通曰昴主刑獄天之道秋為殺地之道西為

金皆所以裁物之過也人之事蠻夷猾夏寇賊姦宄

者則正之小則加以刑大則加以兵故兵刑皆列象
 西方也又名旄頭主胡星以其稟肅殺之氣也昔五
 胡時專以此候禍福也而三昴皆不應可以知華夷
 之辨矣兌爲口舌卷舌六星讒佞之臣天說一星主
 讒佞者也天河一星濁河之精發原崑崙之象天船
 主舟楫船中積水一星所以候水災也

六畢如瓜



畢十七度七度入申晉分益州陰陽宮實沈之次白露旦中雨水昏中

恰似瓜叉八星出附耳畢股一星光天街兩星畢背旁天節耳下八鳥憧畢上橫列六諸王王下四箇天高星節下團圓九州城畢口斜對五車口車有三柱任縱橫車中五箇天潢精潢畔咸池三黑星天關一星車脚邊參旗九箇參車間旗下直建九游連游下十二鳥天園

天原發微云八星罕畢爲邊兵主戈獵又主遠兵王道之所經也天子出旄頭罕畢以先驅此其義也

山堂考索云月入畢多雨昴畢大梁在酉趙冀州畢宿與五車星本難認辨惟太白星光芒太常與北極相對畢宿初出東方時難辨左右上下直轉到天中方見東西南北

天王會通曰畢主邊兵禦倭之臣附耳主聽得失伺愆邪察不祥天高主望雲物觀邊警也天街主南華北狄之道所以隔限華夷天關主邊防關塞亦皆日月之所行也五車兵車軍器所貯故以柱之出入車內外知兵之出入礪石磨礪鋒刃天橫輿梁可通車

輿者咸池主澤陂池沼鳥獸鱗介害人之物所萃也
天節使臣所持以傳命參旗九游大將所持以發縱
者也九州珠口主傳譯象胥之屬也

三觜參葢

坐旗

司怪

觜


嘴觶

一度申晉分益州陰陽宮實沈之次

三星相近作參葢嘴上坐旗直指天尊卑之位九相
連司怪曲立坐旗邊四鷗大近井鉞前

天原發微云三星爲虎兵三軍之候行兵之藏府明
則軍糧盈將帥得勢月令仲秋旦嘴中
山堂考索云嘴觶參實沈在申晉益州

七參四脚中藏伐




參 十度申為實沈之次晉之分陰陽宮

總有七星嘴相侵兩肩雙足三為心伐有三星足裏
深玉井四星右足陰屏星兩扇井南襟軍井四星屏
上吟左足下四天厠臨厠下一物天尿沉

參十星為白虎之體中三星橫列者三將也下三星
直列者伐天之都尉也主鮮卑戎狄之國其外四星
左右肩膀也東北曰左肩主左將西北曰右肩主右
將東南曰左足主後將西南曰右足主偏將軍參九
度自畢至井十三度為實沈晉之分申上

天王會通曰參中三星爲中軍正中一星大將旁二
 星參謀也命名爲參以此二肩左右將軍二足爲前
 後將軍伐大將軍之柄主大司馬九伐之法以正邦
 國者也嘴行軍之藏府坐旗大將之旌司怪主候災
 祥軍中望氣司卜者也玉井主水泉給厨用軍井行
 軍之井所以給司徒也軍市行軍之市野雞精主知
 物價察奸慝賈人也闕丘天子雙闕丘下一狼主相
 侵盜賊也矢弓也常屬矢擬射于狼天狗橫河中皆
 所以備盜賊也屏所以蔽厠下一星天屎也



卷之三十一
 星官
 參中三星

東井

三十四度九度入未秦分雍州巨蟹宮鶉首之次驚蟄春分昏中秋分寒露日中

八星行列河中淨一星名鉞井邊安兩河各三南北
正天罇三星井上頭罇上橫列五諸侯侯上北河西
積水欲覓積薪東畔是鉞下四星名水府水位東邊
四星序四瀆橫列南河裏南河下頭是軍市軍市團
圓十三星中有一箇野雞精孫子丈人市下列各立
兩星從東說闕丘兩箇南河東丘下一狼光蒙葺左
畔五箇彎弧弓一矢擬射頑狼胸有箇老人南極中
春秋出來壽無窮

天王會通曰井主水衡法令中平之事物之平者莫
如水故營國制城畫堦分州皆取象焉鉞附於井所
以斷也北河爲北戒曰胡門陰戶自壺口北負薇垣
東抵穢貊朝鮮以爲北紀爲陰國主征伐之政南河
爲南戒曰越門陽戶自弘農函谷絕江漢達嶺循漳
東抵越雋東甌以爲南紀爲陽國主禮樂之政地理
有南北二絡於此焉徵矣六諸王宗臣藩屏王室在
周爲魯衛之國漢以後則爲侯王也五諸侯畿外諸
侯也此皆聖王所以建國而養民者也天罇主盛饉

粥以給貧綏水位主水衡水府主隄防溝洫之事四
 瀆江河淮濟之精也六府之中水居其先王政之所
 至重也嘗考周禮川則有衡澤則有虞溝洫則有匠
 人故凡麗於天者若四瀆咸池之類皆虞衡之所職
 水府羅堰九坎天淵之類匠人之所職歟丈人主壽
 考而哀孤窮孫子主孝愛以待丈人老人所以占丈
 人考壽者也


四鬼如櫃尸中藏



鬼



天記



輿鬼

未二度秦分雍州巨蟹宮鶉首次

四星冊方似木櫃中央白者積尸氣鬼上四星是燿星天狗七星鬼下是外廚六間柳星次天社六箇弧東倚社東一宿是天紀

按天原發微云鬼星天目也主視明察奸謀明則五穀成又云主死喪

山堂考索云東井與鬼鶉首在東秦永州三度至西南星去極九十六度在黃道外

天王會通曰鬼主祭祀事祖考之象中央積尸所以

象神也天廟天子之祖廟天社勾龍天稷后稷之神也外廚主烹宰以給宗廟積水積薪主水火之齊以給烹飪燿位主變國火供燦明水火及燧燧司火之官也禹敘六府曰水火金木土穀天象燿位司火柳主木土司空土公土公吏司土八穀主稼穡于水猶詳而金獨略可以知天道輕重王政緩急矣後天卦位西南坤方萬物皆致養焉故曰致役乎坤潤萬物者莫潤乎水故又曰井養而不窮也井宿列于西南致養之義焉養莫大于敬老恤孤祭祀者追養繼孝

之事也柳星張翼軫五宿皆切近相接連也與他宿略不全自軫至角相去稍遠與牛斗鬼井相似也

八柳圈圓缺半邊




柳十四度四度入午周分雍州獅子宮鶉火之次清明昏中霜降旦中

八星曲頭垂似柳近上三星號為酒享宴大酺五星守

天原發微云八星天之厨宰也主尚食和滋味又主雷雨朱鳥之口故曰鳥啄爾雅云味之為柳十四度東南一星去極七十九度外翼外十二度主人飲食晉志曰酒旗三星軒轅又角酒之旂也主饗宴飲食五星守天下大酺有酒肉財物

天王會通曰柳主草木雷雨時至于夏雲行雨施品

物流形也又為天王之厨宰主享燕陽氣極盛故天子飲耐于是時也酒燕宴之所用天記主知禽獸齒數歲獸人也



七星 七度午上周分邕州獅子宮鶉火次

七星如鈎柳下生星上十七軒轅形東頭四名內屏
星星左三箇天相名相下稷星橫五靈


星去極九十三度在王道外二十一度少為利害自
柳七度至張十四度於辰在午周之分

天原發微云七星一名天都王衣裳文彩又七星為
朱雀頸

天王會通曰星為朱雀頸文明之會羽儀之所蓋物
盛則有文故主衣裳文綉也軒轅南夫星女后左右
為夫人以次而北者嬪御自午而一陰生陰陽相遇
故此為后妃之宮庭軒轅曰權太微曰衡主內政以
弼太微者也內平執法平罪之官內宰也天相王朝
服之制佐后禮事世婦之職也



六張梭肚兩頭長



太尊




張十七度十五度入巳楚分荆州雙女宮鶉尾之次穀雨昏中立冬旦中

六星似軫近星傍張下只是有天廟十四之星冊四方長垣少微雖向上星數歛在太微傍太尊一星直上黃

天原發微云六星為朱雀嘯鳥受食處主珍寶宗廟所用天廚飲食賞賚之事明則黃道昌張九度至西一星去極九十八度二十分在黃道外二十六度自柳七度至張十四楚之分

天王會通曰張主珍寶宗廟服用掌次之官翼天子之樂府也樂陽氣之盛故係於此天子所以大合樂於夏也

張翼軫北近太微垣



二十二翼如飛勢上
五下五層中九氣

翼


十九度巳立夏昏中小雪旦中楚分荊州雙女宮鶉尾次

二十二星大難識上五下五橫着行中心六箇恰如張更有六星在何處三三相連張畔附必若不能分處所更請向前看野取五箇黑星翼下頭欲知名字是東甌

天原發微云二十二星天之樂府俳優主夷狄遠賓負海之容明則大禮樂興動則四夷使來離徙天子舉兵翼爲羽翮主遠

天王會通曰軫主車騎任載軍之出入皆占之長沙子主三軍壽命軍門天子之軍門也器府百工居肆以成其事者司空掌邦工翼軫器府皆其所掌故土司空係焉百工之事當及溫和之候故月令季春而百工咸理孟冬而効工翼軫所以麗于辰巳歟工有大小不同室下司空主工師匠氏土木大役若此司空梓人與人之事而已舉甌主穿骨南越諸夷青丘子南蠻之國也

四軫如口附三星



軫 十八度十度入辰鄭分兗州天稱宮壽星之次小滿昏中大雪旦中

四星似張翼相近中央一箇長沙子左轄右轄附兩星軍門兩黃近翼是門下四箇土司空門東七烏青丘子青丘之下名器府器府之星三十二以上便是太微宮黃道向上看取是

天原發微云四星為車騎亦主載任有軍出入皆占於軫又主冢宰輔臣又主風與翼同位又軫為首十七度鶉尾在巳荆楚州

歲星論

東方歲星實曰木精倉帝之子正大光明所主分野
莫與之京人君布德道義常存順則風雨協時百穀
熟成壽益人安仁富而貞中國安寧四夷來臻逆則
君政殘暴失位虧仁盛則芒角而怒宇宙交爭拒諫
信讒禍滿寰瀛下凌其上弟謀其兄赤黃則當風當
旱白黑則爲水爲兵與金合而大將損被月掩而后
妃傾入太微而君憂有赦在東井而秦地安康守鬼
國用斧鑕遶虛危齊地災生居參中君臣和悅留心
宿天下安康守角忠賢薦用留尾后族權榮歷氏內

當富有犯亢豐稔和平經箕宮中口舌入斗爵祿豐
盈乘虛昭穆失序犯女宮院欣榮環牛饑凍虎害犯
危祭祀不馨在室宮中安泰犯璧賢女乘情入奎有
道者進經婁教令者興守胃人當饑疫在昴王者嚴
刑逆行爲賊爲鬼晝見主弱臣強犯畢守婁災及人
牛入斗獄訟兵起當觜愁遶天苑死者過半犯柳宿
五穀繁稠留張君臣和悅入翼國損人流遶軫災喪
有病凌房將相當憂勗我有土君子恤憫孤獨撫按
惇黎增修景福神明佑喜遠惡去慾敬奉三光克修

言正全書 卷之一
戩穀

災惑賦

南方火精亦曰罰星赤帝之子主察視明每入太微
受制遇有道之不停如無道之國出入無常勾巳爲
禍環遶爲殃出則兵起入則兵藏周旋止息爲病爲
殃猶人君之怠慢俾臣下之災傷或進或退大小不
常爲水爲旱豐歉迭興每晨見而行疾或暮出而漸
昂出處失度乍存乍亡君得常道其色赤光有怒有
變或角或芒入太微魏帝殂落犯紫微野死人亡守

天舡江河泛溢在胃宿天下空倉遶羽林禁兵大起
留張宿歲美人康入南斗君災及輔犯東井水火之
祥守少微處士被厄遶天閑百姓饑荒環尾鬼兵喪
並起入昴宿胡虜漸藏居心宿王者大惡凌軒轅后
妃憂惶犯室壁米貴衛地乘虛危兵起南邦在尾大
臣不順入角賢將誅傷勾亢漂沒城邑犯柳人死相
亡留奎父不親子犯駟臣叛于王凌虛萬物不秘守
畢邊有兵降入壁賢士不顯留參兵起蕭牆入軫人
皆微沒犯婁人出於疆逆行于氏環遶于房股肱出

請正金書 卷之一
走父子分張守天舡江河鼎沸留箕宿人食糟糠有
土君子於何不藏克已復禮其後必昌爲臣爲子爲
君爲父修福以禳慎如臨谷殃災自息未保天祿

鎮星賦

爰有鎮星中央土精黃帝之子后帝別名所在邦國
不可加兵其分無災五穀將成人民安樂由君之貞
若乃內座仁德外間華飾其星失席爲妖爲臣上亂
不淨西東遇逆上天降災爲霹爲電山崩地裂鬼哭
喪亡與木相犯后妃殂殞與水相合兵敗連芒抵角

後宮有喜入亢萬物無成犯房兵起地震歷氏儲副
歡榮守心聖主將出在尾賊盜公行遶箕天災人散
入斗登位須爭遶牛賊徒謀主犯女幕貴縱橫乘虛
赤地千里入危公役災生犯室廣修大殿遶壁道術
彰明乘奎米貴水湧守婁奸詐臣生勾胃民饑兵亂
犯昴將士西征犯畢王侯誅度乘嘴國破人驚環參
大臣効使入井水旱災生在鬼近臣謀主犯柳天下
和平流星萬方皆治居張五穀不成入軫穀貴兵起
守翼環宇肅清抵鍵人君下殿入鬼宗廟更張奄鉞

大臣誅戮犯執法將相憂煎凡觀在位知機知微克
勤奉法敬天之威福延胤嗣邦家之基

太白賦

西方金星少陰之精白帝之子亦曰長庚所主孝義
甚大而明將軍之象誅罰爲名怒則微芒叱咤喜則
潛形遇火凶喪於次合水遠近加兵犯角天下大戰
入亢水旱並生守氏將軍受制居心蟲大縱橫入房
土工與國犯尾上下交爭守箕風早有赦遶斗臣執
權衡環牛地氣發福過氏女府庫皆傾主危宗廟失

其星當
上在星野

祀環危宗地災生乘虛將軍解甲犯室武士休征入
奎洪流汎溢守壁國用嚴刑在婁有兵有戰入胃饑
饑前程犯昴胡兵大起守畢有教兵行乘嘴參野多
易政歷鬼宿神將多馨入柳元戎封謚留星戰死連
營勾翼軫諸侯大震師旅入軒轅人主建旆懸旌守
天田人受爵祿當牛地戎虜崢嶸晝見國王將軍敗
夜見殺將屠城或山崩四面賊將上殿手執台衡妖
祥屢見臣節易虧主心亦變嗚呼有土君子股肱之
臣不僭不濫敬天畏神道以理國法以立身福流後

講武全書 卷之一
嗣化及人民

辰星賦

北方辰星乃水之精黑帝之子偏將之形聖主立法
察君臣情所在之位憂怖不寧君若審其法度明其
教令遠其讒邪親其忠正無從無逸邦家之慶君若
不理政闕不任賢臣從舍由已昵比匪人上天垂象
災及其鄰五穀不熟風雨不均陰陽作亂饑饉薦臻
與金合而戈干動被土犯而戎虜興覩其芒角知大
小之災祥審其伏見察君臣之譴謫暴水漲而色青

大喪發而虛白辰見而夕伏日順其逆曰冬溫而夏
清迎太陽而掩映接太陰而處權守角水旱並興留
亢米穀貴湧在心天下和平守房奸臣謀動居尾江
漢流橫入箕大臣多怨犯虛丁伏盡行乘牛百計決
壅凌女布帛難收守危亂臣繼踵入奎臣下被囚守
胃兵將人愁遶畢邊城驚急在昴執政刑流勾嘴兵
喪爲敝入土水土難讐乘參水災兵起遶鬼疾疫當
頭留星貴人得罪入柳水灌田疇守翼人饑國亡在
軫宗廟宜修逼太微而群臣相殺犯執法而金火爲

尤守軒轅皇帝離闕近權衡橫死多仇入璧朝野成
權犯氏獄訟稽留在張貴臣專國犯室后黨被收守
婁水敗萬物行速相僭難體有土君子敬慎其儀處
動以靜居安慮危勤修其政福履綏之

論變異

凡五星乘凌環遶觸犯勾巳正守抵掩經之法在上
而下曰乘在下而上曰凌屈曲爲遶周匝爲環東西
爲勾南北爲巳二尺內爲觸一尺內爲犯迎通曰抵
相遮曰掩居宿不動曰守穿宿而經過爲經凡五星
色白爲喪青爲饑饉赤爲風旱黑爲滂黃爲豐稔應
疾而福德驗遲滯而災禍深元氣纏身天垂玄象照
臨萬彙故木主仁慈金主義兵水主法智火主禮德
土主信各有五常應之故有君之尔

周天玄象賦

天體在上星處中極帝前接于天子庶背連乎後宮
四附勾陳暨天皇而胥附六甲天柱與內座以相通
粵有天柱內柱柱史女史閣道傳舍華蓋侍接御女
陰德尚書伊邇東垣八宿有參宰弼衛承之目西垣

七宿有驂尉輔衛承之紀床槍所近者天乙太乙勢
牢所望者天理大理公師相守文昌居北斗之魁鈎
策扶匡八穀處內階之北觀夫五帝正座太微仰神
上相推左執法之近上將乃右執法之隣而內屏太
子從臣幸臣三公九卿列內侯於謁者虎奔郎將位
前接於常陳但見天市外垣帝座北地候一樓六斗
五斛四宦者四亦有宗正宗人宗星帛度二暨及車
肆列肆屠肆因知角宿平道次爲進賢天門平星而
接南門庫樓攝提依大角而附周鼎大田梗河天戈
居其陽門頡頏折威在其前帝席旁倚亢池上延氏
宿乳星陣前次騎官騎陣車騎以連至於房宿斜立
鈎鈐左懸鍵閉臨兩咸之旁貫索麗九公七公之相
天輻日近從官率先心乃法星之次尾則神宮之纏
天紀女床傳說龜魚之側天江箕宿之聯至如天籥
建星天雞南斗農丈近鼈狗國連狗漸臺輦道居織
女之右天淵天弁望奚仲之後羅堰在牛天梃主漏
天田通九坎之溝洫河鼓居兩旗之左右乃瓠敗之
瓜下璃珠之女宿列國南妥天津且首虛爲壘壁陣

之次傍則天壘城之守笑泣相望杵臼相偶司危司非之主過司命司之主壽車府比於人星天錢臨于敗臼危星墳墓而主喪蓋屋虛梁以上覆營室夾離宮之復造父繫騰蛇之時雷電土吏行以相接雲雨霹靂動以相附次有于羽林北落鐵鉞天綱璧總乎土工八魁王良天廐二轄奎有附路溷兼土司外屏天倉之近鐵鎖天庾之北婁宿乃將軍之所附二更以相維胃宿蒟藁大陵積尸天河天陰之接天園元天廩之離昴乃天舡之次中爲積水之坡卷舌天讒介乎礪石之側天困天苑望乎新月之須畢宿附耳天潢咸池天街天高耀乎天節弧矢九旂係於天旗諸王並五車之柱天關連三宿之觜參伐中列股肩外施天屏丈人見子孫之各二玉井軍井有廁屎之相隨屏幾井越扇分水府傍崎四瀆司怪布天罇於水位五侯坐旗望闕丘於軍市天狗接狼野雞近闕老人所揖者天社天稷南河所界者積薪積水與鬼之上耀星所履極乃外廚之舍下爲天記之軌三台係里軒轅紀民天相天廟接東甌之夷國酒旗長垣

言武全書卷之一
九三
何德堂

隣少微之處士太尊貴戚之屬內平正罪之吏過張
翼軫星宿之分有靈臺明堂之北自軍門司空至於
器府青丘則周天之星盡軫而止

講武全書兵占卷之一

終

